

(1) Seiko kubatana naMwari mumunamoto kuchikosha zvikuru?

Jeremia 29:12

Kuburikidza nezvaakasika, kushanda kwaKe muhupenyu hwedu uye kuburikidza nesimba reMweya Mutsvene Mwari anotaura kwatiri. Asi zvole izvi hazvina kukwana. Tinofanirawo kudurura mwoyo yedu kwaAri. Kuti tive nehupenyu hwemweya nesimba, tinofanira kuva nekubatana chaiko naBaba vedu vekudenga. Pfungwa dzedu dzingakweverwe kwaAri uye tingafunge pamusoro pemabasa aKe, tsitsi dzaKe uye zvikomborero, asi zvole izvi hazvina kukwana. Kuti tive nekubatana kwakazara naMwari, tinofanira kukurukurirana naYe zvinhu zvinoitika muupenyu hwedu mazuva ose.

Munamoto kuzarura mwoyo yedu kuna Mwari sezvatingaite kushamwari. Haudikanwi senzira yekumuzivisa zvinhu; Anotoziva nechekare zvinhu zvole. Chinangwa ndechekuita kuti isu timugamuchire. Munamoto haukweveri Mwari kumuburutsa kwatiri, asi inzira yekuti tiunzwe kwaAri.

(2) Jesu akatikoka kuti tiitei patinouya kwaari mumunamoto?

1 Petro 5:7

Apo Jesu aiva pane rino pasi akadzidzisa vateveri vaKe manamatiro. Akavataurira kuti vaudze Mwari zvavaida zuva nezuva, uye “nekukandira kufunganya kwavo kwese pamusoro paKe.”

(3) Mwoyo yedu inofanira kuva nekutaudzana naMwari mumunamoto kakawanda zvakadii?

Ruka 18:1

Apo Jesu akararama pakati pevanhu akanamata nguva zhinji. Jesu Muponesi wedu akazvionera pachaKe chinonzi kushaya, nekushaya simba. Izvi zvakamuita gamba remunamoto achikumbira Baba vaKe simba idzva kuti akwanise kugadzirirwa basa raKe uyewo miyedzo. NdiYe muenzaniso wedu muzvinhu zvole, “Akaedzwa muzvinhu zvole sesu.” Asi seuyo asina chivi, chimiro chake chakaramba kuita zvakaipa akakurira mumatambudziko nekurwadziswa kwemweya waKe munyika ino izere nechitema. Chimiro chaKe chemunhu chaakanga ava nacho chakaita kuti munamoto uve chinhu chaAitofanirwa kuita uye chikomborero. Akawana kunyaradzwa nemufaro mukutaurirana naBaba. Zvino kana Muponesi wevanhu uyo aiva Mwanakomana waMwari akanzwa achifanira kunamata, chimbofungawo hako iwe kuti isu vasina simba uye vatadzi vanofa, tinofanirwa kunamata zvakadii uye zvichibva pasi pemwoyo.

(4) Kuna Mwari kunosvikwa zvakadii mumunamoto?

VaHeberu 4:16

Baba vedu vekudenga vakamirira kutidururira kuzara kwezvikomborero zvavo. Chikomborero chedu kunwa nepatinogona napo kubva kuchitubu chaKe cherudo chisingaperi. Hazvishamisi here zvino kuti isu tinosarudza kunamata kashom-shoma? Mwari akamirira uye anodisa kunzwa munamoto



wakaperera wevana vake vanozvininipisa, asi isu muudzenga, nekuomarara kwemwoyo yedu tinoramba kumuudza zvatinoshaiwa kana kumupa rumbidzo yaakafanirwa nayo. Zvinoita kuti ufunge kuti ngirozi dzedenga dzinombofungeiwo pamusoro pedu isu vanhu vanosiririsa, vasingagoni kana nekuzvibatsira. Tinogara takakombwa nemiyedzo asi zvoshamisa kuti tinonamata zvishoma shoma uye tine kakutenda kaduku duku,iwo mwoyo waMwari ane rudo rusina magumo uchidokwairira (kutida zvikuru) kutipa zvinopfuura zvatingakumbira kana kufungidzira. Ngirozi dzinofarira kukotama pamberi paMwari uye dzinofarira kuva pedyo naYe; dzinoona kuva pedyo naMwari kuchidzipa mufaro mukuru. Zvino hazvishamisiwo here kana vaKe vari pasi, avo vanotonyanyisa kuda rubatsiro urwo runowanikwa bedzi kubva kuna Mwari, vachiratidza kugutsikana kufamba vasina chiedza cheMweya waKe uye hushamwari hwekuvapo kwaKe?

(5) Ndedzipi svumbunuro(kii) mbiri dzekukurira nadzo miyedzo?

Mateo 26:41

Rima rewakaipa rinokomberedza vose vanozviregerera pakunamata. Vanokweverwa kuzvivi nekuzevezera kwemiyedzo, uye zvese izvi zvinoitika nekuti havashandisi chikomborero chemunamoto chavakapihwa naMwari. Seiko isu sevanakomana nevanasikana waMwari tisingadi kunamata iwo munamoto uri svumbunuro muruoko rwekutenda, yekuzarurisa dura redenga umo mune simba risingaperi? Kana tikagara tisinganamati nguva dzose uye tisingarindi, tiri mungozi yekuramba tichishaya hanya, zvinozotikonzera kusiya nzira yakarurama. Muvengi anogara achida kuvhariridza nzira yekuchigaro chemutsa. Haadi kuti, kuburikidza neminamoto inobva pasi pemwoyo uye kuburikidza nekutenda, tigamuchire nyasha nesimba rekuramba kana taedzwa.

(6) Tinofanira kuva nechimiro chakadii pamweya kuti Mwari agopindura minamoto yedu?

Isaya 44:3

Kana tikanamata tiri mune zvimwe zvimiro, tinogona kuziva nekutarisira kuti Mwari anonzwa nekupindura minamoto yedu. Chimwe chezvimiro izvi

ndechekuti tinofanira kunzwa kudikanwa kwekubatsirwa naYe. Akavimbisa kuti, “Ndichadira mvura pamusoro penyika ine nyota,nenzizi pamusoro pevhu rakaoma.” Vose vane nzara nenyota yezvakarurama uye vanotsvaga Mwari, vanogona kuve nechokwadi chekuti vachazadzwa. Mwoyo yedu inofanira kunge yakazaruka kusimba reMweya Mutsvene, zvikasadaro chikomborero chaMwari hachigoni kugamuchirwa.

(7) Chiiko chimiro chechipiri chekugamuchira mhinduro kuminamoto?

Ruka 11:9

Kushaya kwedu ndicho chikonzero chikuru uye chikumbiro. Tinofanira kuenda kuna Mwari nekumukumbira pamusoro pezvinhu zvatinoda. “Kumbirai, muchapiwa.” Uye, “Iye usina- kuramba kunyange neMwanakomana wake, asi wakamupa chose nokuda kwedu tose, ungarega seiko kutipavo zvole pamwechete naye?”Mateo 7:7; VaRoma 8:32.

(8) Upanduki hunoitei kuminamoto yedu?

Zvirevo 28:9

Kana tikachengeta zvakaipa mumwoyo yedu, kana kurambira pachitema chatinoziva, Ishe haangatinzwi. Zvirevo 15:8. Zvisinei, munamoto weuyo anorwadziwa nekusuwa pamusoro pekudarika kwake unogamuchirwa. Kana tikagadzirisira zvole zvatinoziva kuti takakanganisa tinogona kutenda kuti Mwari achapindura minamoto yedu. Kunaka kwedu tega hakugoni kuita kuti tifarirwe naMwari. Kunaka bedzi kwaJesu kunotiponesa. Iropa raKe bedzi rinogona kutichenesa, asi tine zvatinofanira kuita kuzadzisa chimiro chekuti tigamuchirwe.

(9) Nderipi danho rinoteera mukugashira mhinduro kumunamoto yedu?

Jakobo 1:6

Marko 11:24

Kutenda ndicho chimwe chiro chinokosha kuti tigamuchire mhinduro kumunamoto. Tinobvuma here zvaanotaura mushoko raKe? Vimbiso yaKe yakakura uye haina magumo,uye Akatendeka Iye akavimbisa. Kana tisina kugamuchira izvo chaizvo zvatakakumbira, panguva chaiyo yatakazvikumbira, tinofanira kutenda kuti Mwari anonzwa uye kuti achapindura minamoto yedu. Nguva zhinji tinokanganisa uye tinoona zviri pedyo zvakadaro zvekuti dzimwe nguva tinokumbira zvinhu zvisingazovi chikomborero kwatiri. Murudo, Baba vedu vekudenga vanopindura minamoto yedu nekutipa izvo zvakatinakira. Vanotipa izvo zvatingashuva dai taiona zvinhu zvole sezvazviri nemaziso edenga. Kana zvichiita sekuti minamoto yedu haina kupindurwa, tinofanira kuramba takabatira pane zvaakavimbisa nekuti nguva yekupindurwa zvechokwadi ichauya. Tichawana chikomborero chatinonyanyodisa. Kufungidzira kuti minamoto yedu ichapindurwa nenzira chaiyo uye tichipihwa chinhu chaicho chatinodisa kungofungidzirawo. Mwari akangwara zvakadaro

zvekuti haangakanganisi, uye akanaka zvakadaro zvekuti haangarambi kupa zvinhu zvakanaka kune avo vanofamba zvakarurama. Usatya kuvimba naYe, kunyange usiri kukurumidza kuona mhinduro kuminamoto yako. Sendama pavimbiso yaKe yechokwadi.

(10) Ndeipi imwe vimbiso huru yatakapihwa?

Mateo 7:7

Tikaramba tichigara pakukahadzika nekutya kwedu, nekuedza kutsanangura zvese zvatisiri kunyatsoona, kusatenda kunongowedzera nekudzika. Zviri nani kuuya kuna Mwari tichinzwa tisingagoni kuzvibatsira uye tichingovimba maari. Mukuzvininipisa uye nekutenda kunovimba maari tinogona kuti zvidiso zvedu zvizikanwe kwaari Iye aneruzivo rusina magumo. Ndiye anoona zvose pane zvaakasika; ndiye anobata zvose nekuda kwaKe uye neShoko raKe, uye achapindura kuchema kwedu nekuita kuti chiedza chipenyere mumwoyo yedu. Kuburikidza nemunamoto wakaperera tinoiswa patinobatana nepfungwa yeWokusingaperi. Panogona kusava nechiratidzo panguva iyoyo chekuti chiso chaJesu chakakotamira pamusoro pedu muhanya nerudo, asi ndoo chokwadi chacho. Tinogona kusanzwa kubata kwaKe, asi ruoko rwaKe ruri pamusoro pedu murudo uye muhunyororo hunehanya.

(11) Kuregererwa kwedu kubva kuna Mwari kunowanikwa seiko?

Mateo 6:12

Patinouya mumunamoto kuzokumbira nyasha nezvikomborero kubva kuna Mwari tinofanira kuva nemweya werudo nekuregerera mumwoyo yedu. Tingagonamata seiko tichiti, “Mutikanganwirei mhosva dzedu sezvatinokanganwira vo vane mhosva nesu,” kana isu tichichengeta mukati medu mweya okusaregerera ? Kana tichitarisira kuti minamoto yedu ipindurwe tinofanira kuregerera vamwe nenzira imwecheteyo uye nemwero watinotarisirawo kuregererwa.

(12) Tinofanira kunamata kakawanda zvakadii?

Vakorose 4:2

Kutsungirira mumunamoto ndicho chimwe chezvimiromo chinotarisirwa mukugamuchira mhinduro. Tinofanira kunamatira kuti tikure mukutenda uye mumaitiro. Tinofanira “kuramba tichinyengetera” VaRoma 12:12. Petro anotaurira vatendi kuti, “Naizvozvo ivai vakachenjera, musvinure kuti munyengetere.” 1 Petro 4:7. Pauro anonongedzera kuti, “asi pazvinhu zvose mikumbiro yenyu ngaiziviswe Mwari nokunyengetera nokukumbira, pamwechete nokuvonga.” “Asi imi vadikanwa,” ndiJudasi uyo, “munyengetere muMweya Mutsvene, muzvichengete murudo rwaMwari.” Judasi 20 na 21. Kuramba tichinamata kubatana kwemweya yedu naMwari zvakadaro zvekuti hupenyu hunoyerera huchibva kuna Mwari huchiuya muhupenyu hwedu, uye kubva muhupenyu hwedu kuchena kwemwoyo nehutsvene zvichiyepera zvichidzokera kuna Mwari.

Zvinokosha kurambira pamunamoto uye kusabvumidza chero chimhingamupinyi kutikanganisa. Tinofanira kushingaira kuchengetedza kubatana kwedu naJesu. Tsvaka mukana wekuenda paunogona kuita munamoto. Avo vose vanotsvaga kudyidzana naMwari vachaonekwa mumisangano yeminamoto,

vakavimbika kuita basa ravo, vachirevesa uye vachitarisira kukohwa zvakanaka zvavanogona kuwana. Vanotora chero kamukana kavanenge vawana kuti vazviise apo vanogona kugamuchira miseve yechiedza chedenga.

(13) Seiko munamoto unoitwa nemunhu ari ega uchikosha?

Mateo 6:6

Tinofanira kunamata pamwe chete nemhuri, asi pamusoro peizvozvo hatifaniri kuregedza munamoto waunozviitira muchivande, nokuti ndizvo zvinopa upenyu kumweya. Hatigoni kubudirira kana tisinganamati. Minamoto yemumhuri neye muruzhinji iri yega haina kukwana. Kana uri wega regedza mweya wako uyanikwe kuziso raMwari rinonzvera. Minamoto yemuchivande (yako wega) inofanira kunzwikwa bedzi naMwari wokunzwa minamoto. Hapana dzimwe nzeve dzinofanira kunzwa zvikumbiro zvedu. Muminamoto iyi munhu anenge akasununguka kubva kumanyawi kana zvingakanganise zvakatenderedza. Nekudzikama uye nekurevesa munamoto unobuda uchienda kuna Mwari. Nemufaro uye zvisina kupokana munamati anozogamuchira kubva kune uyo anoona muchivande, uye ane nzeve yakazaruka kuti anzwe minamoto inobva mumwoyo. Nekudzikama uye murudairo mweya yedu inobata Mwari nekuwunganidza chiedza chedenga chinosimbisa nekuichengeta muhondo naSatani. Mwari ndiye shongwe yesimba redu.

Namata muchivande, uye apo unenge uchiita mabasa ako emisi yese, nguva zhinji rega mwoyo wako uchisimudzirwa kuna Mwari. Aya ndiwo mafambiro akaita Enoki naYe. Minamoto yakanyarara iyi inosimuka serusenzi runokosha pamberi pechigaro chaMwari wenyasha. Satani haagani kukunda uyo ane mwoyo uri pana Mwari.

Ndinonzwisisa kuti mumazuva ekupedzisira enhoroondo yepasi rino vazhinji vanenge vasingatendi munaMwari. Ndinotarudza kumisa kutenda kwangu pahuchapupu hwaakaisa pachena nekutenda maAri.

Tenderedza: Hongu Kwete Handisati ndasarudza

Zvinondinyaradza kuziva kuti uchenjeri hwaMwari haugoni kunzwisiswa chero nani nani zvake. Ndinogona kuisa upenyu hwangu mumaoko ake ndichiziva kuti akabata zvose mumaoko aKe.

Tenderedza: Hongu Kwete Handisati ndasarudza

Ndinoona kuti kunyangwe ndisingagoni kunzwisisa zvose zvinotaurwa neBhaibhe pamusoro paMwari, izvozvo zvinotova uchapupu hweukuru hwaKe. Ndizvo zvinoratidza kuti Bhaibheri rakafemerwa naYe.

Tenderedza: Hongu Kwete Handisati ndasarudza

(C) Merlin Beerman - www.revelationpublications.com
Illustrations (C) Goodsalt - www.goodsalt.com
These materials may be photocopied and shared but not altered or sold.

Printed in USA by Light Bearer’s Ministry - www.lbm.org

Matsiko Kuna Kristu



Chikomborero Chemunamoto -1

12 - 16